

INDEX GEOGRAPHICUS.

33

Latit.
Gr. Scr.

Longit.
Gr. Scr.

sunt Ismaël, Ezech. 27. v. 21. Arabia & universi principes Cedar. V. Ismaël.

Cedar ex libro Judith 1. v. 8. & ex Psalm. 119. v. 5. & ex Isaia 21. v. 16. & 17. urbem intelligunt, eamque in Tribu Manasse 2. Maluerim ubique regionem intelligere, ubi Tabernacula Cedar. V. Tabernacula Cedar.

Cedes, & aliquando Cedes Nephthali, & Cedes in Galilæa: quod & aliæ sint Cedes sive Cades urbes. Hæc autem describitur in Tribu Nephthali, inter Arama-Afor, & Edrai-Enhasor, Josue 19. v. 37. cap. autem 20. v. 7. pro civitatibus refugii datur: Decreveruntque Cedes in Galilæa montis Nephthali. & 21. v. 32. inter Leviticæ urbes de Tribu Nephthali est Cedes in Galilæa. sic & 1. Paralip. 6. v. 76. Judic. autem 4. v. 6. Prophetissa Debbora vocavit Barac filium Abinoën de Cedes Nephthali ad dimicandum contra Sisaram. Cades cujus mentio 1. Machab. 11. v. 63. & 73. eadem est, ut & Cades urbs Regia ex Josue 12. v. 22. & Cedasa sive Cedessa Josephi.

Cedma ultimus filiorum Ismaëlis, 1. Paralip. cap. 1. v. 31. Vide Ismaël.

Ceclatha. Numer. 22. Israëlitarum statio in deserto, inter Resfa & montem Sepher.

Ceila in regione quarta Tribus Judæ urbs septima ea describitur, Josue 15. v. 44. 1. Reg. 23. v. 1. Philisthiim oppugnant Ceilam & diripiunt areas. Eod. cap. v. 5. Abiit David, & viri ejus in Ceilam, & pugnavit adversum Philisthæos. . . & percussit eos & salvavit habitatores Ceilæ, ne tamen in Saulis manus traderetur, à viris Ceila in desertum Ziph cum suis fugit. 2. Esdræ 3. v. 17. Hasebias dicitur princeps dimidiæ partis vici Ceilæ. & v. 18. Bavai filius Enadad dicitur etiam princeps dimidiæ partis vici Ceilæ.

Cellon aliàs Chellon. Judith 2. v. 13. & filios Ismaël, qui erant contra faciem deserti, & ad Austrum Terræ Cellon. . . v. 14. & transivit Euphratem & venit in Mesopotamiam. Terra Cellon videtur inter Arabiam, ubi Ismaëlita, & Euphratem quæ Mesopotamiam iter est.

Cenchræ. In Act. Ap. 18. v. 18. & in Epist. Pauli ad Romanos 16. v. 1. scriptum est ubique Cenchris. Græci autem & Latini scriptores omnes Cenchreas locum illum vocant. Corinthiorum navale ad Orientem, & Saronicum Sinum.

Cenereth, Ceneroth. Urbs, Regio, & Mare sive lacus, Josue 19. v. 35. post terminos Tribus Nephthali datos, in ipsa Tribu enumerat urbes munitissimas Affedim, Ser, & Emath, & Reccath, & Cenereth. Ex ipsa urbe Cenereth Regio circumvicina, & Mare regioni contiguum nomen traxere. De Mari Cenereth: Numer. 34. v. 11. Inde (à Rebla contra fontem Daphnis) pervenient, Terræ Promissæ primi limites, juxta Orientem ad Mare Cenereth. & Deut. 3. v. 16. 17. de limitibus Tribuum Ruben & Gad, quas trans Jordanem, & extra Terræ Promissæ limites locavit Josue: Et Tribubus Ruben (inquit) & Gad dedi planiciem solitudinis & Jordanem, & terminos Cenereth, usque ad Mare deserti. Iterumque Josue speciatim de limite Tribus Gad 13. v. 27. Hujus quoque finis Jordanis est usque ad extremam partem maris Cenereth trans Jordanem, & Orientalem plagam. Mare, quod huc usque Cenereth dictum fuit, alibi etiam Ceneroth vocatur. Ipsemet Josue 12. v. 3. in descriptione Regni Sehon Regis Amorrhæorum, qui longè latèque imperarat trans Jordanem: A solitudine (inquit) usque ad Mare Ceneroth contra Orientem, & usque ad Mare deserti. Regio etiam circumvicina est Ceneroth, Josue 11. v. 2. de Rege Jabin, qui hortatur sibi vicinos Reges, Populosque, ut junctis copiis Israëlitas repellant: Mittit ad Reges Aquilonis, & qui habitabant in montanis, & in

32. 34. 68. 7.

33. 4. 67. 32.

28. 30. 78. 30.

30. 20. 66. 45.

30. 31. 66. 17.

32. 0. 75. 0.

37. 10. 49. 15.

33. 10. 67. 36.